

輯編準標程課正修部育教照遵

本教學中界世準標程課新

用生學學中級高

氏 蔣

文國新中高

冊三第

沿伯蔣 者輯編



行印局書界世

中華民國三十四年十二月四版

蔣氏高中新國文（全六冊）

第三冊 實價國幣

（外埠酌加郵費匯費）

編輯者 蔣伯潛

發行者 陸高誼

世界書局有限公司代表人

出版者 世界書局

發行所 上海及各省 世界書局

* 翻 不 所 版 *
* 印 准 有 權 *

第三冊目次

一	王勃送弟劼赴太學序	一
二	賈賓王爲徐敬業討武曌檄	三
三	張說獄箴	六
四	劉知幾史通模擬	八
五	劉知幾史通疑古	一六
六	李華弔古戰場文	三〇
七	李白樂府詩二首	三四
八	杜甫古詩三首	三九
九	陸贄論緣邊守備事宜狀	四三
一〇	韓愈祭十二郎文	六三
一一	韓愈柳子厚墓誌銘	六八

一一	韓愈張中丞傳後敘·····	七三
一二	韓愈平淮西碑·····	七八
一四	柳宗元永州八記·····	八六
一五	柳宗元論語辨·····	九五
一六	李翱楊烈婦傳·····	九八
一七	白居易新樂府 三首·····	一〇一
一八	白居易長恨歌·····	一〇四
一九	陳鴻長恨傳·····	一〇九
二〇	杜牧阿房宮賦·····	一一六
二一	李商隱上河東公啓·····	一一九
二二	孫樵書何易于·····	一二三
二三	薛調無雙傳·····	一二六
二四	袁郊紅線傳·····	一三四

二五	杜光庭虬髯客傳·····	一四〇
二六	唐絕句選·····	一四七
二七	唐律詩選·····	一五一
二八	唐五代詞選·····	一五五
二九	歐陽修瀧岡阡表·····	一六〇
三〇	歐陽修祭石曼卿文·····	一六五
三一	司馬光通鑑赤壁之戰·····	一六七
三二	司馬光通鑑平蔡州之役·····	一七六
三三	蘇洵權書八 六國 ·····	一九〇
三四	王安石答司馬諫議書·····	一九三
三五	王安石泰州海陵縣主簿許君墓誌銘·····	一九五
三六	曾鞏戰國策目錄序·····	一九七
三七	蘇軾赤壁賦·····	二〇一

三八	蘇軾方山子傳·····	二〇四
三九	蘇轍快哉亭記·····	二〇七
四〇	汪藻爲隆祐太后草詔·····	二〇九
四一	李清照金石錄後序·····	二一二
四二	陸游姚平仲小傳·····	二二〇
四三	范成大峨眉山行記（節錄）·····	二二二
四四	朱熹中庸章句序·····	二二八
四五	文天祥指南錄後序·····	二三二
四六	謝翱登西臺慟哭記·····	二三六
四七	宋詞選·····	二四〇
四八	宋絕句選·····	二五三
四九	宋律詩選·····	二六一
五〇	宋古詩選·····	二六五

五一	宋儒語錄摘選·····	二六九
五二	元好問送秦中諸人引·····	二七六
五三	姚燧送暢純甫序·····	二七八
五四	虞集書堂邑張令去思碑後·····	二八一
五五	許有壬文丞相傳序·····	二八四
五六	李孝光雁蕩山遊記四則·····	二八七
五七	元曲小令選·····	二九二
五八	馬致遠秋思·····	二九九
五九	白樸梧桐雨(第四折)·····	三〇二
六〇	高明琵琶記喫糠·····	三一〇
六一	宣和遺事節選·····	三一七
六二	京本通俗小說馮玉梅團圓(節錄)·····	三二七

一 送弟劼赴太學序

王勃

今之遊太學者多矣，咸一切欲速，百端進取，故夫膚受末學者，因利乘便，經明行修者，華存實爽。至於振骨鯁之風標，服賢聖之言，懷遠大之舉，蓋有之矣，未之見也。可以深慕哉！

且吾家以儒輔仁，述作存者八代矣，未有不久於其道而求苟出者也。故能立經陳訓，刪書定禮，揚魁梧之風，樹清白之業，使吾徒子孫有所取也。

大雅不云無念爾祖？易不云幹父之蠱？書不云惟孝友于？詩不云不如友生？四者備矣，加之執德弘，信道篤，心則口誦，廢食忘寢，渙然有所成，望然有所伏，然後可以託教義，編人倫，彰風聲，議出處。若意不感慨，行不卓絕，輕進苟動，見利忘義，雖上一階，履半級，何足恃哉！徒見棄於高人，但自溺於下流耳！

吾被服家業，霑濡庭訓，切磋琢磨，戰兢惕厲者，二十餘載矣。幸以薄技，獲蠲戎

役。嘗恥道未成而受祿，恨不得如古君子四十強而仕也。而房族多孤，飢粥不繼，逼父兄之命，覩飢寒之切，解巾捧檄，扶老攜幼，今既至於斯矣。不蠶而衣，不耕而食，吾何德以當哉！至於竭小人之心，申猶子之道，飲食衣服，晨昏左右，庶幾乎令汝無反顧憂也。

行矣自愛！遊必有方。離別咫尺，未足耿耿。嗟乎！不有居者，誰展色養之心？不有行者，孰就揚名之業？籩豆有踐，菽水盡心。盍各賦詩，敘離道意云爾。

【作者】

王勃，字子安，唐初絳州龍門人，隋大儒王通之孫。少年文名藉盛，與楊炯、盧照隣、駱賓王並稱「初唐四傑」。卒，年僅二十九。勃每爲文，先磨墨，引被而臥；及寤，援筆書之，時人謂之腹稿。有王子安集。

【注釋】

● 膚受末學，言所受所學之淺少。
● 爽，差失也。
● 骨鯁，正直也。後漢書來歙傳：「骨鯁可任。」
述作存者八代矣，按杜淹文中子序，文中子王通六代祖曰玄則，字房法，仕宋，歷太僕、國子博士，究道德，

考經籍，江左號王先生。先生生煥，煥生虬，虬生彥，彥生傑，傑生隆，即通父也。益以勅父福時，八代。
 「無念爾祖」句見詩大雅文王。按「無念」念也。
 「幹父之蠱」句見易蠱卦。注云：「幹父之事，能承先軌，堪其任者也。」
 「惟孝友于」爲「惟孝友于兄弟」之省語，原句見書君陳。
 「不如友生」句見詩小雅常棣。
 ① 渙然盛貌。
 ② 四十強而仕，禮曲禮：「四十曰強而仕。」言男子年四十，智力強盛，正爲出仕之年。
 ③ 飭粥，飭同饋；厚者曰饋，稀者曰粥。
 ④ 解巾捧檄，謂就仕也。幅巾爲隱居之服，故出仕曰解巾。檄，官符也，猶今之委任令。
 ⑤ 猶子姪也。
 ⑥ 遊必有方，論語：「父母在，不遠遊，遊必有方。」
 ⑦ 色養，以愉悅之顏色孝養父母也。
 ⑧ 「籩豆有踐」句見詩豳風。籩豆，皆古食器；踐，行列貌。
 ⑨ 菽水盡心，禮檀弓：「啜菽飲水，盡其歡，斯之謂孝。」

二 爲徐敬業討武嬰檄

駱賓王

僞臨朝武氏者，性非和順，地實寒微。昔充太宗下陳，曾以更衣入侍。洎乎晚節，穢亂春宮；潛隱先帝之私，陰圖後房之嬖。●入門入嫉，蛾眉不肯讓人；掩袖工讒，

狐媚偏能惑主。踐元后於蠶翟，陷吾君於聚麀。加以虺蜴爲心，豺狼成性，近狎邪僻，殘害忠良。殺姊屠兄，弑君鳩母。神人之所同嫉，天地之所不容。猶復包藏禍心，窺竊神器。君之愛子，幽之於別宮；賊之宗盟，委之以重任。嗚呼！霍子孟之不作，朱虛侯之已亡。鸞喙皇孫，知漢祚之將盡；龍漦帝后，識夏庭之遽變。

敬業皇唐舊臣，公侯冢子。奉先君之成業，荷本朝之厚恩。宋微子之興悲，良有以也；袁君君山之流涕，豈徒然哉！是用氣憤風雲，志安社稷，因天下之失望，順宇內之推心，爰舉義旗，以清妖孽。南連百越，北盡三河；鐵騎成羣，玉軸相接。海陵紅粟，倉儲之積靡窮；江浦黃旗，匡復之功何遠！班聲動而北風起，劍氣沖而南斗平。暗鳴則山岳崩頽，叱咤則風雲變色。以此制敵，何敵不摧？以此圖功，何功不克？公等或居漢地，或叶周親，或膺重寄於話言，或受顧命於宣室，言猶在耳，忠豈忘心！一坏之土未乾，六尺之孤何託？倘能轉禍爲福，送往事居，共立勤王之勳，無廢大君之命。凡諸爵賞，同指山河。若其眷戀窮城，徘徊歧路，坐昧先幾之

兆，必貽後至之誅！請看今日之域中，竟是誰家之天下！

【作者】

駱賓王，唐義烏人。與王勃、楊炯、盧照隣，以詩文齊名，號爲四傑。武后時，除臨海丞，棄官去。後佐徐敬業起兵討武后，敗亡命，不知所終。有駱丞集。

【題解】

武后名曩，文水人，武士護之女。高宗之后。高宗崩，中宗立，武后臨朝稱制。尋廢中宗，改國號曰周，自稱則天神聖皇帝。在位十六年。徐敬業，離狐人，徐勣之孫，襲爵。時爲眉州刺史，貶柳州司馬。起兵揚州，討武后。兵敗，爲其下所殺。賓王爲敬業草此檄，武后見之，讀至「一抔之土未乾，六尺之孤何託」二句，歎曰：「有才如此，竟使流落不遇，宰相之過也！」

【注釋】

● 下陳，猶云後列。武后曾爲太宗才人。● 太宗崩，武后削髮爲尼。高宗時，又蓄髮入宮。● 翬，飛也。翟，雉羽也。指后宮而言。高宗后王氏與蕭淑妃爭寵，密令武氏蓄髮入宮，高宗納爲昭儀。後廢王后而立之。

● 麀，牝鹿。鹿父子共一牝，謂之聚麀。● 王后蕭淑妃皆爲武后所害。弑君未聞。● 罍器，指帝位。

●中宗名哲，高宗子。武后廢之爲廬陵王，幽於房州。●宗盟，指武三思等。●霍光，字子孟，廢昌邑王，迎立戾太子子於民間，是爲宣帝。●劉章，封朱虛侯，誅諸呂，立文帝，以安劉氏。●趙飛燕，漢成帝后，性妬，後宮有孕者輒殺之，時有燕啄皇孫之謠。●縈，涎沫也。夏后氏藏龍縈於宮。周時啓之，流于庭。宮妃履之，感而生女，棄之。有賣縈弧箕服者收養此女于褒。後爲幽王之后，曰褒姒。幽王嬖之，遂致犬戎之禍。●殷亡，微子過故墟，作黍離，見詩王風。●袁安，字君山，東漢末人，每談國事，輒流涕淚。●百越，指閩廣；三河，指河北、河南、河東。●海陵，在今江蘇泰縣東，漢吳王濞置儲粟倉於此，故舊名太倉。江浦，指揚州沿長一帶。●班聲，班馬之聲。班馬，征馬也。●詩：「雖有周親，不如仁人。」周，比也；周親，近親。●宣室，殿庭也。漢文帝見賈誼於宣室，爲漢未央宮前殿之正室。●言高宗崩未久也。●論語：「可以託六尺之孤。」●往，指高宗；居，指中宗。●夏禹會諸侯於塗山，防風氏以後至被誅。

三 獄箴

張說

官有決曹，掌茲法獄。匪惟議罪，亦以防欲。所貴仁恕，非務窘束。吏苟吹毛，人安措足？古之爲主，是戒是勗。

茫茫率土，^①蠢蠢羣生，賢愚中雜，真僞相傾。若魚之駭，如鳥之驚，不能無犯，宜持以平。或大或小，時重時輕，無以快志，期乎得情。孰曰非重國之政令？孰曰非輕人之性命？虐則招咎，寬則納慶。宜慎宜恤，可畏可敬。

爲獄則固，爲牢則幽。晨嚴管鑰，夜密更籌。寂寂圜土，^②纍纍繫囚。求食搖尾，見吏垂頭。自昔立名，此爲非所。逼隘狹室，欹傾漏宇。冬有祁寒，^③夏多隆暑。焉可失入，焉可安處！

勿謂無妨！勿謂無傷！匹婦含怨，三年亢陽。^④匹夫結憤，六月飛霜。^⑤可以安危，可以興亡。敢告司憲，無輕國章！

【作者】

張說，字道濟，一字說之，唐洛陽人。玄宗時，累官中書令，封燕國公。說文章宏贍，一時朝廷大述作出其手。與許國公蘇頲齊名，時稱燕許大手筆。有燕國公集。

【注釋】

●決曹，決獄之官。●吹毛，吹毛求疵，喻苛求太過也。●率土，指中國全境。詩：「率土之濱，莫非王臣。」

●園土，卽獄也。釋名：「獄，又謂之園土，築土表牆，其形圓也。」●祁寒，嚴寒。●三年亢陽，亢陽，炎

旱也。漢書于定國傳：「東海有孝婦，少寡，養姑甚謹。姑欲嫁之，不肯，姑自經死。太守論殺孝婦，郡中枯旱

三年。」●六月飛霜，鄒衍事燕惠王，盡忠。左右讒之王，王繫之獄。仰天哭。夏五月，天爲之下霜。見太平

御覽引淮南子。

四 史通模擬

劉知幾

夫述者相效，自古而然，故列禦寇之言理也，則憑李叟；揚子雲之草玄也，全師孔公。苻朗則比跡於莊周；范曄則參蹤於賈誼。況史臣注記，其言浩博，若不仰範前哲，何以貽厥後來？

蓋模擬之體，厥途有二：一曰貌同而心異；二曰貌異而心同。

何以言之？——蓋古者列國命官，卿與大夫爲別，必於國史所記，則卿亦呼爲

大夫，此春秋之例也。當秦有天下，地廣殷周，變諸侯爲帝王，目宰輔爲丞相，而譙周撰古史考，思欲擯抑馬記，師放孔經，其書李斯之棄市也，乃云「秦殺其大夫李斯。」以諸侯之大夫，名天子之丞相，以此而擬春秋，所謂貌同而心異也。

當春秋之世，列國甚多，每書他邦，皆顯其號，至於魯國，直云我而已矣，如金行握紀，海內大同，君靡客主之殊，臣無彼此之異，而干寶撰晉紀，至天子之葬，必云葬我某皇帝，且無二君，何我之有，以此而擬春秋，又所謂貌同而心異也。

狄滅二國，君死城屠，齊桓行霸，興亡繼絕。左傳云：「邢遷如歸，衛國忘亡。」言上下安堵，不失舊物也。如孫皓暴虐，人不聊生，晉師是討，後予相怨，而干寶晉紀云：「吳國既滅，江外忘亡。」豈江外安典午之善政，同歸命之未滅乎？以此而擬左氏，又所謂貌同而心異也。

春秋諸國皆用夏政，魯以行天子禮樂，故獨用周家正朔，至如書元年春王正月，則周王之月。如曹馬受命，躬爲帝王，非是以諸侯守藩，行天子班歷，而孫盛魏

晉二陽秋，每書年首，必云某年春帝正月。夫年既編帝紀，而月又列帝名，以此而擬春秋，又所謂貌同而心異也。

五始所作，是曰春秋。三傳並興，各釋經義。如公羊傳屢云「何以書記某事也？」此則先引經語，而繼以釋辭，勢使之然，非史體也。如吳均齊春秋，每書災變，亦曰「何以書記異也。」夫事無他議，言從己出，輒自問而自答者，豈是敘事之理者邪？以此而擬公羊，又所謂貌同而心異也。史漢每於列傳首書人名字，至傳內有呼字處，則於傳首不詳。如漢書李陵傳稱隴西任立政，陵字立政曰「少公，歸易耳。」夫上不言立政之字，而輒言字立政曰少公者，此省文從可知也。至令狐德棻周書於伊婁穆傳首云「伊婁穆字奴干。」既而續云「太祖字之曰『奴干作儀同，面向我也。』」夫上書其字，而下復曰字，豈是事從簡易，文去重複者邪？以此而擬漢書，又所謂貌同而心異也。

昔家語有云：「蒼梧人娶妻而美，以讓其兄。」雖爲讓，非讓道也。又揚子法